

啟禎兩朝剝復錄

啟禎兩朝剝復錄八卷

貴池吳應箕纂

己巳京察

時王永光爲北冢宰曹于汴總憲沈惟炳掌吏科
蔣允儀爲河南道南冢宰缺攝之者爲戶部尙書
鄭三俊都察院陳于廷署吏科者爲兵科錢允鯨
河南道則陳必謙也南北二察皆以驅除逆黨爲
主北察以永光爲冢宰猶有所庇然已盡之于南
矣先是錢允鯨與陳必謙相左後以調護得同心

故南察爲數十年僅見云

北察

吏科沈惟炳等糾拾皆節畧其附逆者存之

太常寺卿林宗載

兩疏揄揚昔猶存乎見少一生砥礪今遂覺以爲
多

太僕寺少卿李宐培

越前資而管外察誰爲手援美
大工而獻諛詞
駢以自固

南京太常寺少卿彭惟城

拆白鹿書院清議安逃違氣節鄉風傷身何所

原任太常寺卿蔣一驄

內有通天之孫杰則呼吸何患于不露外有納賂
之逆崔則賚綠奚拒而不入平生只一巧字孫家
宰之評語最真數歲慣走權門舊選司之金錢得
力同鄉劉宗周正人也惟恐其出而阻之名曰蔽
賢者不祥移宮一案何罪乎疏請榜示以爲戒
誰是欺天而背王蓋既爲崔魏之官自應爲

誠邪之事

太僕寺卿陳王庭

兵未出而先示師期敵未見而聞風退縮路難分而偏有重輕監軍者所監何軍不問爭執厥後李向日之反間得行周永春之撤防不設鄭之范之棄城而逃按遼者所按何事盡若贖孽同是失遼之罪何獨加于方震孺而庭竟無議及者國法將無失平彼且訊方之日猶列坐而同問官使非有揖之使退者爾時何以相對內臣嚴明賞罰極

力振制此非其獻媚魏璫之疏乎奉 旨用心編
摩勤勞可尙此非其監修實錄之 旨乎唯其投
合逆黨故得温 旨僭加併遼罪可無問矣
巡撫浙江右僉都御史加兵部右侍郎張延登

王紹徽內典將就登約同盟如元詩教謝啟光韓
後等函書爲之勸駕共圖出山以借璫仇正爲事
後來紹徽之濁亂世界皆其謀也史記事憂世有
心曾爲上書言張延登喬應甲徐兆魁等奸邪俱
不可用而魏廣微以內意欲用爲辭後來記事之

禍象相尋卽以此耳○時奉 旨延登甬用

巡撫四川右副都御史田仰

許顯純其武場門生也田爾耕其所認爲同宗也
李魯生李蕃共同門也曹欽程又其鄉浚相結者
也旣以珠寶金珀之奉大得顯純之歡心重以援
引擁戴之羣又得人力之多則其得鄉閭少安得
不如取如攜則僕卿川撫安得不十日一轉其附
瑞從逆之公案則仰自有疏今稱頌諸黨無逃豈
獨寬 天討于此媚其造謀殺人之陰事則曹欽

程有揭今吳越七八安在豈終昧 天道于好還
河南道蔣允儀等糾拾

原任太僕寺卿管太常寺少卿事吳弘業

柔媚無骨陰險多機初任銅梁爰有車酋之變行
間捍禦亦著微勞而大足援兵反以本官統馭無
法大肆搶掠至今銜恨比署吏科以會推事具疏
認罪人皆被斥彼獨幸全識者業知其立身不正
矣後見李養德用事以并州舊誼浚相結納引入
魏忠賢門下日伺 廷臣動靜報之東廠以獻殷

勤故數年穩據言路冒濫加銜又乘川功再敘欲
竊恩蔭先囑兵部加王新民二子世襲以爲已子
地後新民論斥而本官獨覲顏冒承此公論所以
不平也至于候安一疏內稱庶務殷繁則內有心
膺重臣公忠體國外有閭部大臣竭力贊襄等語
是照應內傳之矯 旨明贊居揖之逆謀矣且身
在禮垣明知崔鐸倖中一榜奸弊尤多民謠誼播
而不敢糾舉直待錢嘉徵疏上方一言塞責且稱
其七作清順真艸一手欲借覆試爲之昭雪比見

公論不容姑請褫革崔鐸而以關節無可吹求出
脫諸奸此乃同謀出首之故智而欲以首叅崔鐸
爲護身之符乎

太僕寺卿管少卿事王大智

人既昏庸心復陰險司理閩中官評倒置偏能暗
揭傷人比入銓司益增昏謬如首領教職雖係雜
流冷局而或選之本省或選之本府寧不令人齒
冷至其自詡風裁爲邪類擁戴者不過以破例阻
抑曠鳴鸞等五人考選一事而五人之賢公論久

定則本官之品對炤益明乃前次拾遺僅七調南
乘魏崔用事以潘汝楨一薦揚七復出濫躋三品
如是而稱恬節則挫折諸臣宜反以躁競目之矣
近日薦舉非人委之于府官所悞其言似是而就
知其以李蕃之故不覺與李森相暱之深幾于白
晝而梟鳴也欲全晚節宜蚤歸休

原任太僕寺卿安伸

奸邪巨孽鷹犬前矛初避黔差走險狂噬堂官叅
處夫亦自作之孽乃不知悔過日夜爲捲土之謀

乘鄉人二李入幕作奸投意曹欽程薦引起用出
山一疏有公忠部臣微明其事卽破彌天之網等
語海內傳笑而伸揚七意得橫口無忌其所催追
結者則趙南星之賍也所論劾追奪者則李朴于
玉立之卹贈也所極口頌美爲正人者則邵輔忠
李嵩輩也始而督促煅煉幾欲致之死旣而占風
反覆若欲加之膝者張慎言也至于堂七身史而
執薦師之禮于曹欽程亟問亟餽榆次等縣之支
取不絕而逆嗣初建報滿屆期恐不得與名先括

贖銀五百兩行臺縣收貯待用額書隻手開天四字其稱頌也不曰禁中頗牧則曰弊絕風清又以公疏不足具有特疏發明其芹曝之忱是真諂附之尤矣

工部管繕司員外郎劉斌

作令饒有穢聲劣轉同知隨被叅論以舊冢臣之庇得從輕調亦云幸矣仍借題呈辨橫狂誣攻逆璫素忌之人以投其好益欲效石三畏故智行取考選不知公論猶存清華難覓也

戶部浙江司主事王廷諫

先任東城兵馬以告密爲首功偶有酒醉狂生顧同寅孫文豸二人講口頗及時事遂捏妖書謗毀虛情憑空插入詞臣陳仁錫等姓名致皆削奪而二生死刑季道原等死獄殺人媚人寃及多命當時吏部覆疏所稱誅燕市之神奸頓禡亂政之魄絕門戶之的派永消翻案之魂卽此獄也巡城御史門克新有緝獲神奸一疏爲今日罪案本官實始其事成其謀豈得脫然事外乎

廣東司郎中白鯤 各部送單

本官乃白太始之父也先以同知降處後陞員外致仕天啟六年復起本部員外借題加級不次出守皆其結納逆璫之力也在廣東時曾爲藩封事竣自請優敘內稱厥臣一柱擎天寸丹捧日等語其管崇文門也先因買銅進羨銀一千兩以助大工又拜逆璫爲乾親特疏建祠雕刻木像招搖燕市人皆心鄙彼獨厚顏

浙江司員外李桂芳

先任南京縣教諭罪狀多端幸轉司務爲學院左
光斗復命叅處回籍後見左以忤璫被逮輒敢
佞附權奸排斥正人公然出疏叅左得復原官又
復賚綠前往揚州督催南太僕寺牧馬艸場地價
大作威福叅劾知縣胡敬辰等見被糾彈法司提
問真無行之尤也應從重處以快人心

山東新餉司郎中苗胙土

當逆璫用事之時每有題覆率多歸功厥臣此猶
其小者也如寧錦之捷璫封弟侄一人爲安平

伯歲加祿米一千一百石此原係陝西司承行而
本官以新餉司越俎代爲題覆以便居功極口稱
頌魏璫至有丹心千古無雙擎天一柱獨聳等語
此其稱功頌德不遺餘力矣

廣西司主事張元芳

本官以崔呈秀之壻先調兵部繼調吏部狐假橫
行肆無忌憚今冰山已失勢矣似難盡置不問者
也應以浮躁論

見任精膳司主事朱慎荃

專疏頌功通國皆笑彼自謂考選之要訣不知已
爲清議所棄

原任儀制司郎中周鏞

中州建祠實其倡議卽璫敗之後尙釀金卒業因
以爲利已掛彈章冠帶閒住

原任主客司郎中虞德隆

督學楚中以賄聞係周冢宰之親因緣媚璫優轉
南僕卿已掛彈章見今致仕

原任職方司郎中王登三

一升崔凝秀爲昌平總兵以媚首虎謀逆之事

一升樂戶蕭惟中爲密雲都司以媚首虎竄妾之親

原任武庫司郎中今升雲南叅政郭文衡

一討差催船辦送三王之國一路自張灣至山東各口岸刷船得厚賄者賣放無賄者鎖打充差無不畏之如虎得銀數千後又倡言逆瑞分封之德所過不擾議建祠于經過地方恐嚇有司厚禮

見任武選司主事王鼎新

一爲順天推官每日督造寧府第騙人媚人鑽升

樞司大玷官常

刑部江西郎中張元玘

一本官親定楊左爰書仍責顏大章十板以致殞命近經臺臣論列但當日會審尙有御史楊春茂等主筆非盡本官之過其情猶畧可原也

山東司主事湯本沛

一本官心術險邪奸害同鄉狀元文震孟致被削
一本官願魏忠賢意旨將方震孺捏贓逐日刑比

方御史疏可據

河南司主事沈德先

一本官原任國子監學錄已劣轉桂府審理今資
緣復陞刑部河南司主事

一本官與吳中彥同爲劉廷元門客岳駿聲爪牙
勞永嘉兒女親家張差一事各處竭力奔走彌縫
凡士大夫有說張差不是風癩是害東宮者必極
口唾罵百計中傷如刑部主事錢士晉不肯署名
丁巳內察必欲害之賴士晉兄鼎元士升願以身
代始得免如王之案則與徐大化岳駿聲合謀必

致之慘死而後已

一本官爲韓敬鷹犬出死力害人與敬暨駿聲永
嘉中彥造天監錄一書凡與敬輩相厚者俱稱爲
君子與彼相左正人俱指爲小人將此書入京送
與徐大化霍維華楊維垣輩令其叅諸正人一面
又托周昌晉送與魏良卿轉送逆璫魏忠賢蓋良
卿是時尙爲光祿丞昌晉爲御史巡視光祿兩人
浚相交結故此書得入內逆璫將此錄粘于屏後
來皆傾此錄涉內名賢殺戮削奪殆盡皆德先所

川夏黃
卷之六
十一
卷之六

致也

營繕司主事呂下問

黃山一案激變地方酷例可引

營繕司郎中湯齊

銅鉄之差固勞主政之資終淺僕卿未已而又加級庶子焉豈以起廢一疏原之乎

都水司郎中徐四岳

卿銜已過任子得之尤過士夫而藉內監咨升不
視何待

啟禎兩朝剝復錄九卷

貴池吳應箕纂

南察

野臣曰鄭公察前先劾諸奸此以霹靂手而操
風霜之筆者也故錄其全疏

南京吏部等衙門署部事戶部尚書鄭三俊等謹奏
爲 計典屆期仰遵 明旨備列附逆諸奸懇祈
聖斷處分以絕瑞脈以清仕路事考功清吏司案呈
職閱邸報見南北科道諸臣條陳察典俱稱媚璫

諸奸應于計前另疏列名奏 請定奪餘昭常年
察典分別處治蓋所以特重附逆之條毋畱計典
之玷爲屢奉 明旨申飭亦旣稟七銖鉞之不啻
矣切惟臣子致身惟奉 一君以爲大 朝廷行
法凡衷二心者必誅自逆璫竊弄威福 輦下諸
奸首先倡媚南中尤而效之于是遙奉魏忠賢爲
盟主近借太監胡良輔劉敬劉文驥雷逢春爲軀
閔有建祠者有拜祠者有頌璫功德者有代璫驅
除者有受璫薦引者因而有借璫速化者或雖無

顯然獻媚之詞而身與祝頌之列或未奉摘恭襪
華之旨而猶侈畫錦之榮在今日類夜行晝伏
之縱在異日恣翻雲覆雨之計若僅與溺取者同
一處分非所以杜奸萌肅計典也謹一一臚列

上聞于大理寺得一人焉

原任本寺左寺丞今養病謝啟光附馮銓而作魏瑄
之幕客非館取而充要典之總裁偽史假作贊儀
醜詆逼及忠骨闕說驚駭相門開口帖之踵來滌
倒題連內府四帶開之名者試問初時棘丞五品

胡兩年候驛九卿銖案昭然猴冠宜視于吏科得
一人焉

原任本科給事中今回籍郭如閻寧遠之報捷既已
貪天之功籌邊之諛詞几失歸君之義是誠何心
獨不可已乎一經指摘無可閉藏雖操持不掩其
生平而媚疏難寬其譴責于都察院得五人焉

原任河南道御史今回籍何早兩疏媚璫情詞醜惡
瑞石祥麟種七引爲符讖籌邊憂國語七侈作諛
詞其所善必爲逆黨所喜之僉人其所劾必爲逆

黨所憎之良士邪正分途好惡拂性最可鄙者張
聚垣虞大復貪穢素著千金夜入而竭力護持大
足怪者馮盛明游鳳翔罪狀大彰國法未伸而公
然薦救不法之辜莫追貪墨之跡難寬

原任浙江道御史今被論李時馨獻媚逆璫極口稱
頌幾令操懿之惡勢迫 至尊抑揚瑾直之威毒
流四海他如侵屯糧討掣塩濫贓罰種七穢狀難
以殫述既寬兩觀難免三禳

見任河南道御史夏敬承倡拜魏祠諛詞滿紙上公

曠論高揭通衢其巡倉時一切詞訟以事之大小
一爲價之重輕美新之論罪惡滔天暮夜之金官箴
一掃地

原任山東道御史今同籍劉漢媚璫取寵見有糾叅
其巡視江差時包攬餉款殆無虛日詳報查究盡
以漸成至惡于恣花柳之娛萑苻多寶玉之竊誨
淫誨盜敗備敗名

原任四川道御史今被論徐復陽曲意媚璫多行不
義疏叅結案促斃正人天理何存人心已死荼毒

善類若陳若飽身后銜劓奪之宛拆毀書院如鄒
如馮當年蒙僞學之禁咆哮幾同猛虎舉動大類
坑儒如此渠魁首干黨逆之罪凡屬臣子可無鳴
鼓之攻于戶部得三人焉

原任本部廣西司郎中今升任魏牙原以廣徵徵親姪
強認忠賢我孫建祠朔望必拜伏伏勢積惡難書置
買田園俱係剋落之官物獻媚中貴并傾老庫之
厚藏以至歌舞充于內宅私債廣布都城真是

國家之盜臣誠哉嗜門之戎首纓韋不足以蔽其

罪追贖始足以服其事

原任本部山西司郎中今升任削籍胡芳桂功名墮
于作郡而溪壑之慾以部署而取盈富貴恋若粒
途而反噬之工恃與援而輒肆既資其力以速化
遂藉其勢以復仇線索一通致正人被削者累七
情與人殊罪難髮數

原

本

見任戶部福建司郎中張聚垣原允准貢賄附璫門

其司鑄管水兌共計二差所獲積至萬金至捏升
府二假報奪溫禧之錢差使其憤鬱喪身迄今同

官飲恨緣縱奸之有恃亦附逆之多需襁革已倖
追奪非枉于禮部得三人焉

原任本部祠祭司郎中今升任虞大復揮霍多能斲
趾自喜操持少簡穢跡喧傳以周應秋之愛婿作
魏忠賢之義孫躬詣祠堂當先叩首稱頌形之拜
謁擁戴載入典疏祠聞老僧欽依之積言詐其多財
仍致斃命知樂婦寇白之落籍可以射利因而攫
金轉官全憑太山之力逆璫艷附八拜之交廉耻
都捐面目有覩

原任本部祠祭司郎中今升任頡鵬朝陽門外倡拜
逆祠扁名今古一人同顧名義禮行五拜三叩擬
等殿廷僚友之骨未寒忍心娶其愛妾迨夫鑽升
椒郡再創報德報功之祠乃至印簿沿門掃盡千
家萬家之積

原任本部精膳司郎中今升任葉天陞逆祠何地無
端翫遊膳部何官因致屈膝雖兩頰之發頰良心
內愧而錯趾于非類行已漸多于兵部得三人焉
原任本部車駕司郎中今升任周宇寵利薰心廉隅

掃地誦胡內監原係鄉親人稱密契誇魏祖爺真

活神通道到處通窮百計假其虎威一切吐以蛇虜

見任本部職方司郎中李際明擒蓮妖妄殺平民欺
上官而得薦因劣轉駕言黨害賄奸人而驟升倡
議鳩資指多金不顧小民膏血治品供獻期萬拜
務得守者歡心并造胡監生祠不時拜祭咸撥
陵軍六十守其私衙故知璫薦之與名不負此膝
之久屈

見任本部職方司主事邵存性外計已處不謹內通

卽補原官到任一日旋轉內兵是以察處爲薦剡也借差二年優游故里是以取事爲虛寄也郭鞏一薦借作致身之郵逆黨旣摧遂爲匿影之計曠取原非得已褫革豈容獨寬于工部得三人焉

原任本部營繕司郎中今升任魏弘政屈膝傾身因宥人而遂款甘心投足先匠作以效勞賣姚郎中節省千金更貪其功以優敘與胡良輔平分強半更藉其力以薦揚皇陵引水紆回逆祠儼作朝宗之勢白晝攫金銷糜積鏹甘爲填壑之資旣已

失身難辭干憲

原任本部屯田司郎中今升任葛大同衙門公費以爲逆瑞費見之資百姓脂膏竟充一人阿堵之物目劉文雅儼然尙公稱胡良輔生平知己名教不容冠裳有玷

原任本部都水司郎中今升任歐陽充材始焉任意以行几蹈虎尾于不測既乃爲威所惕欲甘蟻伏以全身惟因屈而求伸竟轉怒而爲喜列名薦贖

身難辭干憲一人焉

原任江寧縣知縣今升任南京工部都水司主事夏
之鼎始官旌德結交勢宦繼任江寧廢削無事藉
李夔龍爲因緣結魏忠賢爲援引因欲購金建祠
有制賴京兆之力爭遂爾罷歸魏題洽恩爲通國
之耻笑賄升赴郵賍至萬金防維盡裂視斥奚辭
以上共十二人號爲口之所傳說章奏之所參稽
台省之所開送本朝之所諮訪皆的匕有據非擬
拾風影者伏乞裁酌施行等因案呈到部臣等看
得魏忠賢二刑餘耳一旦倒持太阿以號令天下

諸臣讀聖賢書所學何事而靡然從之其甘心附
逆者背于義而忘其分是肺肝全別也其俱祇中
變者休于勢而喪其守是骨力不堅也律以順逆
之理均之一無可貸權以輕重之分似應稍酌其
平臣謹會同南京右都御史陳于廷右僉都御史
謝文錦南京吏科署科事兵科給事中錢允鯨南
京河南道掌道陳必謙公同察議據實奏聞伏乞
聖明睿斷炤貪酷不謹浮躁例分別處分庶察典有
光人心大悟從此南中諸臣其有不惕于今日之

麟鑿而洗滌肺腸崇尙風節務崇精于職業內者
非人心矣

南京吏科等科署科事錢允鯨等糾拾

原任吏部尙書房壯麗方軟習成司風紀而台綱決
裂攀緣路熟任統均而黨附情浚推升總爲崔魏
傳燈起廢竟與奸邪護局

原任總督川貴兵部尙書張鶴鳴在師畏避前糾罪
狀已昭獻媚咆哮殘局貪聲轉播養寇而百萬之
歲餉半屬虛糜縱奸而三軍之司命全同兒戲

見任四川巡撫田仰奔競情濃彌縫術巧以言乎通
內則許顯純其武場之門生也田爾耕其胃認之
同宗也魏忠賢又其投拜而稱爲恩主者也與援
多而閔節到處皆孺矣以言乎速化則僉事未幾
而京銜也尙寶未幾而僕少也同卿纔滿十日而
忽川撫也破甌整而節鉞如取諸寄矣有謂其與
舊輔馮銓密謀者有謂其喉癢病曹欽程構陷結
交害正皆爲奸黨之人有謂其投入魏忠賢送珍
寶者有謂其再投拜輔債剽營求獻謂取憐莫非

卑污之事躁心羶逐大貽節制之羞阿勢蠅營不齒冠裳之列

原任太僕寺卿張文熙兇險螫人貪污喪已仗逆璫之姻而發蹤指視作彪虎之先驅乘綉斧之行而納賄招權竟簠簋之不飭卓邁嘉定一壘令也賂千金而引入台班朱童蒙蘇松一邪道也環四知而翻逃吏議恨周順昌則授意倪文煥發其聯姻密契而寃慘覆盆矣恨文震孟則羅入顧同寅株連清流勁節而掃除一網矣顧昌逮至猶復矇口

肆言云違他一死何如其凶逆也文煥事敗致令
兩人追悔曰文熙悞我何辭夫主使也縱騎激變
昌言鼓噪謀出東林矯 旨渠魁又誰爲撥授也
倪光祿插入厥臣頌以致科臣后言陰謀遂尔削
奪製錦屏不惜數千金以爲逆璫上壽揚挖更恣
編口且也張元芳欲吏部則引之吏部曲推呈秀
之愛竭力吹噓崔呈秀欲奪情則護其奪情辨乞
忠賢之畱深相盤結凡此黨逆奸謀營私穢跡道
路有口肺肝難欺始將爲魏邑成逆賊忠臣心跡

皆汗自是窮青本色

原任登萊巡撫孫國祜原其速化則因孫杰引手究
彼橫行總藉崔賊護身

見任通政使晉左叅議事楊紹震六壬課借作護身
符乃通璫之線索引奏官竟押銀台篆爲納賄之
階梯

見任南京太常寺少卿彭惟城久寒之燼倖起行人
皆藉門人之力屢債之轍躋躋常少總由罪輔之
援出山卽謀僉院逆璫亦厭其躍冶不祥升任旋

歸故鄉儕偶咸斥其敗羣不類

河南道陳必謙等糾拾

原任兵部尚書王之臣本是兗闕假于巧作閔門盜
臣以建勳稱頌爲韜畧鎖鑰貽羞剝官軍月餉入
私囊恣恣盈任

原任兵部尚書管左侍郎事閑任邵輔忠錄到朝鑽
入逆璫之幕首開殺機贊志選擢勳 國母之謀
身同叛黨頊疏千秋貽臭僞官兩載誇榮

原任工部尚書閑任徐大化射虎原不擇養鷹犬橫

遭毀屋奉矯 旨而直臣幾至殞身胆氣全無逆
節顯著

原任工部尚書劉廷元亂賊渠魁衣冠禽獸始當張
差之持挺入 東宮也 先帝幾危遣官告變問

誰巡視皇城四門者廷元也弱敢爲罪而駕言瘋

癡以掩奸謀所謂以 君父性命作人情者非虛

矣及王之案之摘發主使鄭國泰也 神祖以此

增設東宮侍衛 宗社獲安問誰繼之案而發正

論者何士晉陸大受張庭李偉也諸臣何罪而借

題考察以盡一網所謂有意剪元良之羽翼者非
誣矣甚至主逆間以成要典則其擁護罪戚之本
謀也因而族志遂以除王之策則其借端殺人之
機案也尤可怪者如璫而冒忤璫之名殺人而逃
殺人之罰試問璫元初年一聽勸御史耳璫燬一
燬不兩年而璫賸元梟者何爲逆璫佈私人干要
地謀叵測矣而南兵北兵兩相炤應者何意况復
得身于南通線于北百千方陷害忠良總其毒著
二十年主持邪局無限陰謀彪虎是其驅用之爪

牙卽逆璫亦是其行刑之劊手罪窮天地雖蓋
以何容忍背君親爲神人之共憤欲謝九廟
之桐亟行兩觀之誅

原任戎政尙書閑任霍維華性類貪狼毒逾乳虎西
年一疏殺王安而擁戴魏忠賢之謀成矣丑春一
疏定三案殺楊左以及諸臣而忠賢穢手之人盡
矣鎮撫獄詞其手筆也某賊某罪某殺某戍某削
某奪其成筭也于璫爲首功矣以一給事中不兩
年而兵書璫亦謂能報惡矣官爵已極爵已盈

及見先帝彌留時勢將壞借讓廢之名以去旬日躲閃又假忤璫之名以來亦謂善用璫矣乃至考選一番再嗟璫孽已盡之灰被論二字猶作禁錮忠良之阱死難塞責生可偷榮

原任戶部尙書鄭允厚忠孝生來不識道學是其深仇比朱童蒙郭興治而力攻鄒元標馮從吾則撓察之確案也兩疏入而中旨頓傳則通內之的據也大察例轉而內批京堂則又通內之靈驗也自僕少而戶書宮保首尾僅二三年其感璫而頌德

稱功多至五十餘本至曰萃三千之禮樂舞兩階
之羽千則儼然以聖德歸之矣至曰匪惟明禮目達
聽信可居高聽卑則顯然以帝位屬之矣尙侈書
錦宜返初衣

原任兵部侍郎加尙書呂純如因瑄焰之頓張致官
階之速化少京兆不一年而巡撫矣巡撫不一
年而兵侍矣兵侍不半年而加尙書矣周吏部順昌
夙有微嫌因公軸之暗刺而通謀全惡致膏血于
囹圄曹知縣欽程素全首尾受富人得多金而下

石武弁隨杖斃其子命用囚旣季降空早

見任禮部左侍郎馬之騏非我族類是處狂行偪大
東小東之說以傾陷正人結四友十亂之黨而把
持察典以魏良卿之通家致魏廣微爲推轂早應
激濁無汙寅清

南京刑部右侍郎潘士良巧藏于朴媚以濟貪指外
察而大張騙局晉考選而廣開倖門試問甲子一
計循良卓異之選盡供彈墨是誰出手掃除請觀
乙丑兩咨殺人媚璫之輩俱入網羅是誰爲之收

引釀成世道禍患成就一己功名有愧爽塲

可忘逐淮

順天巡撫右都御史王應手迥內多霧捍圍無術自
謁選以至開府首尾僅餘三年緣外瑞以媚內瑞
諂奉已歷百慮大叅之加以修城也太常之加以
錦捷也皆從劉應坤輩題敘而督撫不聞部推不
與媚而收其效矣巢丕昌之逐應坤欲逐也徐璉
之用應坤欲用也一聽內鎮臣之指揮而築海城
則築增大將則增媚而極其工矣以至修城建祠
諸疏諛詞之僭擬種七係誰呈詳甚而箭簾火器

頂謝尙公之洪恩一一皆其具稿唾罵已盈都市
謗劣尤見卑汚

巡撫延綏右副都御史岳和聲鱗甲遍舛敗絮填胸
巡撫順天卽疏薦邊才百餘盡是狎邪浪棍賣放
妖首得蓮黨賈賄數萬他人緝獲攘功被論回籍
而崔呈秀每向人口岳三哥還要他到我家來復
起順天兄弟之舊情永爲好矣厚儀致謝爲傳應
星發覺內廠魏忠賢亦避外廷之議道遠改推忤
璫之名目豈其然乎除蕪不先流毒何已

河南巡撫僉都御史丘兆麟早入元詩教趙興邦之

幕顛倒是非編深降湯實尹鄒之磨之盟把持政柄

巡方惟事詩酒作弊一憑吏書知王紹徽之深恨

劉芳一疏叅論罷官云是一篇好文字以爲回道

之資儀也駟魏忠賢之切齒惡世揚會審拍案大

罵喝責三十擬重辟謂是兒孫之孝敬也以此邀

歡逆璫旋得開府中州比銷號件以贖錢完欠爲

勸懲責望有司將庫銀那解而抵塞勒定市物官

價檄府屬畫一遵行奸民因之把持貪官借之巧

取是以平準爲禍媒矣例立烟火冊籍責府官按簿搜索瑣事竟發追贖重事竟批解究是以保甲爲利藪矣外員振刷之名內滋叢脞之實乘負已甚網漏何爲

南京太常寺少卿彭惟城身出理義之鄉心効無知之俗始附籍于鄉憲臣藉其引重既反戈于孫太宰恣爲翕張一遭年例再經察處豈盡主爵之訛旣轉理丞復計僉院因致驚飢之逝官評旣已狼籍鄉論尤屬鄙夷亟亟亟亟止足莫任招搖

啟禎兩朝剝復錄十卷

東林點將錄

明王紹徽纂

野臣曰此王紹徽撰此與諸逆黨付魏忠賢以
傾害東林諸君子之書也

東林開天大元帥

托塏天王晁南戶部尙書李三才

東林總兵頭領二員

天魁星及時雨宋大學士葉向高

天罡星玉麒麟

盧俊義

吏部尚書趙南星

掌管機密軍師二員

天機星智多星

吳用

左諭德繆昌期

天閒星入雲龍

公孫勝

左都御史高攀龍

協全叅贊軍務頭領一員

地魁星神機軍師

朱武

禮部員外顧大章

掌管錢糧頭領二員

天富星撲天鵝

李應

禮部主事賀煇

地豹星金毛犬

段景柱

尚寶寺少卿黃正寶

東林正先鋒一員

天煞星黑旋風

李逵

吏科都給事中魏大中

左右先鋒二員

地飛星八臂那陀

項充

吏部郎中鄒維璉

地禿星飛天大聖

李元

浙江道御史房可壯

東林馬軍五虎將五員

天勇星大刀

關麟

左副都御史楊漣

天雄星豹子頭

林冲

左僉都御史左光斗

天猛星霹靂火

秦明

大理寺少卿惠世揚

天威星雙鞭

呼延灼

浙江道御史袁化中

天立星雙鎗

董平

太僕寺少卿周朝瑞

馬軍八驃騎大將八員

天英星小李廣

花榮

山東道御史李玄

天祐星金鎗手

徐寧

福建道御史魏光緒

天暗星青面獸

楊志

福建道御史李應昇

天空星急先鋒

索超

四川道御史練國事

天健星沒羽箭

張清

陝西道御史蔣允儀

天旄星美髯公

朱同

刑科給事中解學龍

天微星九紋龍

史進

禮科給事中劉懋

天究星沒遮欄

穆弘

缺吏部員外周順昌

總探聲息走報頭領二員

天連星神行太保

戴宗

光祿寺寺丞吳爾成

地速星中箭虎

丁得孫

尙寶寺少卿丁先薦

東林行文走檄調兵遣將頭領一員

地煞星旱地葱

朱貴

廣西道御史游士任

掌管行刑劊子手頭領二員

地損星一枝花

蔡慶

禮部尙書孫愼行

地平星鐵臂膊

蔡福

刑部侍郎王之宋

巡視城垣頭領一員

天吳星赤髮鬼

劉唐

右通政劉宗周

東林定功賞罰軍政司頭領二員

地埋星九尾龜

陶宗旺

左僉都御史程正己

地壯星母夜叉

孫二娘

右通政涂一榛

考筭錢糧交納出入頭領一員

地劣星神筭子

蔣敬

湖廣道御史方震孺

東林分守南京汛地水軍頭領八員

地壽星混江龍

李俊

湖廣道御史王允成

天竟星船火兒

兩四川道御史萬言揚

天損星浪裡白跳

張顛

兩山東道御史黃公輔

天劍星立地太歲

阮二

兩山東道御史徐世業

天罪星短命二郎

阮五

兩江西道御史李希孔

天敗星活閻羅

阮七

兩吏部郎中王象春

地進星出洞蛟

盧威

兩工部給事中徐憲卿

地退星翻江蜃

盧猛

兩江西道御史陳必謙

東林守護中軍大將十二員

天壽星兩頭蛇

解珍

兵部左侍郎孫居相

天哭星雙尾蝎

解寶

兵部右侍郎孫鼎相

天傷星行者

武松

左部御史鄒元標

天牢星病閔索

楊雄

刑部尚書喬允升

天慧星拚命三郎

石秀

吏部左侍郎陳于庭

天退星插翅虎

雷橫

大學士朱國禎

天巧星浪子

燕青

左諭德錢謙益

天貴星小旋風

柴進

左都御史曹于汴

地強星錦毛虎

燕順

刑部尚書王紀

地勇星病尉遲

孫立

工部尚書馮從吉

地明星鍤笛仙

馬麟

戶部左侍郎鄭三俊

地孤星花和尚

魯智深

御史吳姓

一作簡詩姚希孟

四方行探邀接來賓頭領八員

地文星聖手書生

蕭讓

翰林院修撰文震孟

地異星白面郎君

鄭天壽

庶吉士鄭鄭

地煞星白日鼠

白勝

刑利給事中毛士龍

地金星鬼臉

杜興

光祿寺寺丞李炳恭

地稽星操刀鬼

曹正

兵部侍郎李邦華

地妖星摸着天

杜遷

光祿寺少卿史記事

地慧星一丈青

扈三娘

吏部員外夏嘉遇

地刑星菜園子

張青

賊方郎中方孔昭

東林專守帥字旗頭領一員

地賊星鼓上皂

時遷

內閣中書汪文言

東林馬軍頭領二十員

地煞星鎮三山

黃信

吏科給事中甄淑

地傑星醜郡馬

宣贊

太常寺卿程註

地雄星井木犴

郝思文

太常寺少卿趙時用

一作兵部主事江用世

地威星百勝將

韓

吏科給事中方貞度

地英星天目將

彭

吏科給事中沈維炳

地騎星聖水將

單

吏科給事中許譽卿

地猛星神火將

魏

戶科給事中熊奮渭

地闊星摩雲金翅

歐

吏科給事中郝土膏

地闖星火眼俊猊

鄧

蕭基

地周星跳澗虎

陳

兵科給事中李遇知

地隱星白花蛇

楊

參議張鵬雲

地暗星錦豹子

楊

太常寺少卿霍守典

地空星小霸王

周通

楊維新

地正星鏡面孔目

裴宣

蔣大中

地軸星轟天雷

凌振

兵科給事中胡永順

地位星小温侯

呂方

太常寺少卿麻僖

地祐星賽仁貴

郭盛

禮科給事中章允儒

地猖星毛頭星

孔明

兵部左侍郎魏應嘉

在通文苑

地狂星獨火星

孔亮

科給事中熊德揚

地巧星玉臂將

金大堅

太僕寺少卿歐陽調律

東林步軍頭領二十八員

地陰星毋大虫觀大山東道御史劉思誨

地數星小尉遲孫新太僕寺少卿王時熙

地煞星混世魔王樊瑞陳士元

地暴星喪門神鮑旭楊建烈

地幽星病大虫薛永御史宋師襄

地伏星金眼彪施恩御史劉璞

地鎮星小遮欄稽壽福建道御史周宗建

地僻星打虎將李忠御史張慎言

地魔星雲裏金剛宋萬御史鄭宗周

地短星出雲龍

郭

馬鳴起

地弱星獨弱龍

郭

御史喬承詔

地捷星花項虎

龔

御史江秉謙

地惡星沒面目

焦

御史李日宣

地醜星石將軍

石

太僕寺少卿潘雲翼

地微星矮腳虎

王

光祿寺丞吳良輔

地滿星玉旛竿

孟

御史李喬崙

地遂星通臂猿

侯

山東道御史黃尊素

地樂星鐵叫子

樂

叅政周汝弼

地孤星金錢豹子

湯隆

僉事翟學程

地奴星催命判官

李立

御史張繼孟

地察星青眼虎

李雲

御史劉芳

地勢星活閻婆

王六

御史劉廷佐

地健星險道神

郇四

薛敷政

地靈星神醫

安全

侯仲

地獸星紫髯伯

皇甫增

田珍

地俊星鐵扇子

宋清

叅議胡良機

地藏星笑面虎

朱富

帥景

東林步軍頭領十二員

鄧漢 吳裕中 夏之令 丁學乾 蘇繼歐

畢佐周 侯恂 梅之煥 史永安 盧化鰲

李若星 熊明遇

小東林姓氏未列

書吳次尾先生遺集後

先生羅九經二十一史于胸中洞悉古今與凶順逆
之遠當崇禎中積慮燕都之必不能守聞者皆笑其
迂而先生持論侃侃不阿也名雖不登朝籍而人材
之邪正國事之得失瞭如指掌真有嘉朝忠節十六
傳一卷兩朝剝復錄十卷雷都見聞錄三卷國朝本
末六卷庚辛壬癸錄四卷續賦不取錄二卷樓山堂
集二十七卷其書或傳或不傳覽者可以當龜鑑矣
書寫張爾公稱先生人文似陳同甫是誠知言聞先

授命處血迹至今猶存洗之不去甚弘積紹而後
不多得也

秀水後學朱發尊書於靜志居